

## Rapport annual 2020

Nus tutas e tuts havein duront igl onn vargau sentiü las consequenzas dalla pandemia. Ils 14 da mars ha ei giu num da serrar immediat las bibliotecas. Nus vein denton fatg il meglier ord la situaziun, priu encunter reservaziuns e deponiu ils cudischs avon biblioteca ni per part era furniu direct a casa a lecturas e lecturs. Era suenter la reavertura ils 11 da matg han biaras e biars da nossa clientella preferiu da reservar ils cudischs e da buca star memia ditg en biblioteca. Per nus tutas e tuts in temps buca fetg agreabel. Ei ha giu num sviluppar concepts da segirtad, trasora squitschar nov placats ed adina puspei orientar sur dallas novissimas mesiras da schurmetg e higiena. Ils 17 d'october ein las mascrinas vegnidas obligatorias ed ils 4 tochen ils 23 da december hai puspei giu num da serrar. Tuttina ei 2020 stau in bien onn per nossa biblioteca, ils emprests ein buca sereduci.

### Occurenzas e termins

- 7 da fevrer: Biblioteca pintga: Flurina Cantieni raquenta dil *“Dino Bronti”*.
- 19 da fevrer: Marionna Tschuor ei stada alla radunonza annuala da leger.GR a Flem. Suenter la radunonza ha l'autura Katja Alves raquintau da sia tura da prelecziuns ellas scolas grischunas.
- 11 da settember: Biblioteca pintga duont l'jamna da biblioteca: Nadia Cathomas raquenta dalla aventuras da *“Gian e Giachen e la pintga muntaniala*.

Las ulteriuras occurenzas e reuniuns ed era tut ils cuors han buca giu liug.

### General

- La scaffa da cudisch a Laax sper il Lag Grond vegn apprezzada fetg duront igl entir onn. Donn ei mo che biars cudischs vegnan naven e buca pli retuornai. La chista da cudischs a Schluein, dil matg tochen igl october, vegn era stimada.
- Las occurenzas «Biblioteca pintga» vegnan mintgamai visitadas da ca. 15 affons. Mintgagada san els era aunc malegiar ni zambergiar zatgei pign per prender a casa.
- Il 2020 havein nus empristau 10'695 (2019:10'357) medias. Vitier aunc 1124 (2019: 956) emprests tier dibiost (digital).

### Bien engraziament:

- a mias collegas Claudia Andreoli Jäger, Elisabeth Coray, Prisca Coray, Barbara Rupp e Petra Tuor pigl engaschi e per la buna collaboraziun era sut condiziuns specialas. In engraziament special a mia substituta Elisabeth per menar la contabilitad;
- alla cumissiun dalla biblioteca, alla vischnaunca politica ed alla Fundaziun Pro Laax per la confidanza e per il sustegn;
- a nossa clientella per lur interess, per lur visetas e pil far diever da nossa biblioteca da vischnaunca e da scola.